

Sacro-Sancta quod faxit Monotrias!

DISPUTATIO INAUGVRALIS
MEDICA

De

ELEPHANTIASI

QVAM

DIVINA AFFULGENTE GRATIA

Ex Authoritate atque Consensu

AMPLISSIMI AC GRATIOSISSIMI OR-
DINIS ASCLEPIADEI IN INCLYTO ET
Florentissimo Argentoratensi

Lyceo

PRO LICENTIA

Summos honores & Privilegia Doctaralia
consequendi

Publicæ Iatrogenistarum censura submittit

CASPAR THEOPHILVS BIERLING,
Lipsiensis Misnicus.

Die 22. Mensis Martij horis locisque consuetis

~~~~~

ARGENTORATI

Typis JOHANNIS WELPERI.

---

M. DC. LXV.



V I R O

*Nobilissimo, Excellentissimo, atque Expe-  
rientissimo Domino*

VALENTINO ANDREÆ  
MÖLLENBROCCIO,

MED. DOCT. FAMIGERATISSIMO, APVD  
HALLENSES MEDICO ORDINARIO DIGNISSIMO,  
Fautori & Vitrico suo nullo non tempore  
colendissimo.

Wie auch

Der Ehrbahren viel Ehr vnd Tugendreichen  
Frauen

M. M. Bäckerin

Vornehmen Handels-Fraw in Leipzig /  
Seiner insonders hochgeehrten Fraw  
Muhmen.

Suam de Gradu Disputationem  
D. D.

CASPAR THEOPHILVS BIERLING.





## DEO DUCE ET AUSPICE CHRISTO.

*Proæmium.*

**N**os terræ filios perpetuo gravissimis infestari morborum telis tantis pervulgatum est exemplis, ut etiam exinde Democritus, cujus in epistola ad Damagetum meminit Cous, egregium istam propalarit sententiam: ἑλθὼν ἀνδρῶν ἐκ γενετῆς νόσος ἐστὶ; *totus homo ab ipso ortu morbus est.* Non solum enim in primo ætatis flore ab ipsis tenemur correpti, verum & primum intuentibus lucem, vox nulla est alia ac tristis. Imo nonnunquam dum adhuc in communi naturæ horto, nimirum utero sumus inclusi, à morborum afflamur contagio, uti latissimus exemplorum campus quamplurima exhibet testimonia. Neque etiam tunc desinunt, extrema cum fruimur ætate, sed sese nobis tamdiu præbent comites, donec æternitatis albo sumus inscripti. Nonne igitur summa nostra calamitas deploranda? Et quod magis. nec ulla etiam totius corporis pars hæc ac labæ gloriari potest immunis, modo enim ista morborum agmina caput; Cælum microcosmi atq; sacram Palladis arcem suis cum inquilinis invadentia, ad solum diruere cupiunt, modo ad Cor, totius nostri corporis Regem & Gubernatorem sive Solem Microcosmi, sævissimis symptomatum satellitibus stipata, incedunt, ut, illud, sese inter angustias videns, multoties palpitare tremoreque affici videatur; modo etiam infimus venter, modo

A 2

pedes,



pedes, modo brachia, imo sæpissimè universum corpus extremaque forma à Hydrâ ista Lerneâ tali imbutur veneno, ut vix ac ne vix istud, etsi etiam omnes colligamus vires, exturbare valeamus. E quorum numero etiam foetidissimus juxta ac molestissimus affectus, Elephantiasis dictus, non est excludendus. Qui homines, tali imbutos labe ex consortio aliorum ejicit, ad perpetuos fermè carceres condemnat, variis aliis hominem commaculans malis, ut etiam Arætaeus *cap. 13. libr. 2. de curat. morbor. diuturn. p. m. 95.* permotus fuerit hoc de affectu talia evomere verba: *Triste profectò & visu terribile spectaculum, fere namq; species est.* Istum igitur affectum, quantum quidem temporis penuria, ingenique permittere vult tenuitas (acies enim mentis nostræ quandoquidem ita est infracta, ut non multum vespertilionibus, ad Solem meridianum cœcutientibus sit absimilis, & nemo est mortalium, quem non aliqua pars ignorantix attingat, hanc labem ex ipsa mortalitate traximus, ut ait Seneca de ira *libr. 2. cap. 9. p. 245. inter cetera mortalitatis incommoda & hæc est, caligo mentium*) si enucleemus, operæ pretium nos facturos esse speramus. Tu igitur Deus, Ter optime, ter maxime; summe Navarcha, cui studia mea Medica unicè fuere dicata, me alis tuæ benedictionis adumbra, radiisque luminis Spiritus tui Sancti illustra, quo incepta exoptatum tutumque acquirant portum, atque ad divinæ Majestatis tuæ gloriam, proximi vero utilitatem commodumque cedant salutare.






## CAPUT PRIMUM.

*Definitionem nominalem declarans.*

**I**N omnibus de quibus quaritur, ad rationem oportet assumi nomen, eo enim sapius in rei cognitionem vehimur, inquit de Apollineâ familia bene meritissimus Galenus. *meth. med. cap. 5.* & Iulius Cæsar Scaliger. His igitur ad memoriam revocatis, nos quoque statim in frontispicio ad nominis hujus affectus explicationem conferamus.

§. 1. Paronymiam quod spectat, Elephantiasis nomen Græcum est, sed latinitate donatum, descendit ἀπὸ τοῦ ἐλέφαντ  ab animale Elephantem, ob similitudinem, quam cum hujus animalis cute habet, cutis enim hoc morbo laborantium, scabra, rugosa & tumida apparet, corio Elephantum haud absimilis. Alii quidem hunc affectum etiam ab alias, quas cum hoc animale habet convenientias ita nominare, quæ recensentur à Sennert. *libr. 5. medic. pract. cap. 40. p. 169.* sed nimis propriè, cum omnibus istis, affectum hunc satis clare corio Elephantum esse similem, notum, quibus occasio tale animal videndi fuerit concessa.

§. 2. Homonimia nunc etiam venit declaranda, nam juxta Philosophum tamdiu nostra indeterminata sese habet mens, quamdiu vocum non explicetur ambiguitas. Sumitur autem Elephantiasis nonnunquam propriè, vel impropriè. Impropriè pro Elephantiasi Arabum, quæ est tumor pedum, à sanguine melancholico, pituitoso & varicibus exortus. *Vide Prax. Ionston, libr. 2. c. 8. p. m. 102. Forest. libr. 29. observ.*

27. p. 818. *Fuchs. libr. 2. paradox. c. 16.* Deinde pro lepra Græcorum, sive albara nigra, quæ nihil est aliud ac scabies in summo gradu, & à scabie solum affectus differt vehementia. Definitionem *vide apud Avicenn. sept. quart. tr. 2. cap. 9.* Propriè vero sumitur pro cancroso totius habitus affectu, maligno, & convenit cum lepra Arabum, ut ex definitionibus apparet. De qua Elephantiasi propriè ita dicta seu lepra Arabum nos in præsentia.

§. 3. Quoad Synonima, multa cum Græca, tum Latina ac Germanica occurrunt, Græca sunt: Ε'λεφάς. Ελεφαντίασις, σατυριασμός. *Galen. de tumorib. c. 14.* propter faciei similitudinem, cum Satyris obtinentem, ut & libidinem more Satyrorum. *Plura vide apud Senn. libr. 5. medic. pract. cap. 40. p. 170. Cæl. Rhodig. antiquar. lection. libr. 19. cap. 25. λέον καὶ λεόντιον,* rationes habet *Sennert. libr. 5. med. pract. part. 1. cap. 4. pag. 171. Aetius tetr. 4. Sermon. 1. cap. 130. pag. 663. Horst. Epist. medic. pag. 383. Actuar. de meth. med. lib. 2. cap. 11. libr. qui inscribitur princ. med. pag. 187. ἡράκλειον, Hollerius de morbis internis cap. 61. pag. 135.* Latina: Elephantia. *Sennert. libr. 5. med. pract. part. 1. cap. 40. pag. 169.* Cancer universalis. *Paræus libr. 19. cap. 6. p. 429. Galen. 6. aphor. 15. ad Glaucon. 2. cap. 11. de atra-bile cap. 2. meth. cap. 9.* Lepra Arabum. Malum divi Lazari, quod Elephantiaci ulceribus ita scateant, sicut Lazarus ille mendicus. Morbus Herculeus, quoniam eo nullus major est, neque valentior. *Aretæus de sign. & caus. diuturnor. morbor. c. 13. libr. 4. libr. qui inscribitur princ. med. p. 51.* Germanica: *Malezen.* Et hæc de definitione nominali.



## CAPUT SECUNDUM.

*Definitionem explicans realem.*

**P**erspectâ nunc Onomatologiâ sive iis quæ ad nominis declarationem pertinent, reliquum est, ut nos ad definitionem realem ejusque rationem accingamus formalem. Definitur autem quod sit tumor cutis squalidus, contagiosus & cancrusus, ab humore melancholico peculiari modo corrupto ortum ducens, multaque symptomata inferens.

§. 1. Genus est tumor cutis squalidus, contagiosus ac cancrusus, in cute enim hoc malum sese prodit. Fomes quidem in internis corporis partibus nimirum massa sanguinea latitat, nemo tamen nominatur leprosus sive Elephantiacus, nisi etiam malum hoc in cute sese prodit. Etsi enim Elephantiacorum uxores absque omni dubio etiam sunt infectæ, tamen non ita nominantur, quamdiu hospes iste infelix adhuc in tenebris hæret. Et propterea distinguendum inter causam & effectum. Causa enim hujus morbi diu in corpore latere potest, priusquam effectum sese prodât, nec ejusmodi conjecturam principium ejus exhibet, ut in aliis morbis, quos intemperies manifesta & putredo humorum communis introducit.

§. 2. Est tumor squalidus, contagiosus & cancrusus. Contagium autem est vel mediatum & virtuale, vel immediatum & corporale, utrumque hic locum habet, *uti Senn. lib. 6. med. pract. p. 120. his testatur verbis: Multo vero magis contagiosa est lepra Arabum, neque enim solum per contactum sed & ad distans inficere potest.* Ex corpore enim tali infectorum morbo atomi atque vapores contagiosi egrediantur, qui, si subjectum inveni-

veniant patiens rectè dispositum, rectè dispositum inquam, cum non quodlibet agit in quodlibet, sed in proportionatum, in illud sese insinuunt & similem producere affectū apti sunt, ut testantur historiæ, propterea etiam ex consortio hominum excluduntur, de quo Paul. Aegineta libr. 4. cap. 22. *Quoniam in contagiosis hæc est passio non minus quam pestis, habitandum ijs est quam longissimè ab urbibus, infrigidis & parum habitatis locis.* Deinde etiam per coitum atque contagium immediatum tales propagantur morbi, *Vide Gordor. 1. lib. med. c. 22. Schopff. libr. germanic. de lepra. Et refert. Sennert. lib. 6. med. pract. part. 3. c. 4. p. 121. Valentia in Hispania Tarraconensi quod quidam Elephantiasin laborans noctem à nobili meretrice, quinquaginta aureis emerit, eamque infecerit, atq; inde factum fuerit, ut alij, qui cum eadem rem habuerint, inficerentur, atq; ita brevi tempore malum in plurimos disseminatum fuerit.* Nonnulli etiam negare ausi sunt, affectum hunc non esse cancrum, quia non ut cancer omnia depascit. Verum testantur historiæ etiam inter saltandum nasum absque omni dolore fuisse abruptum.

§. 3. Ab humore melancholico peculiari modo corrupto ortum ducens. Peculiari modo corrupto, inquam quod testantur febres quartanæ, tam intermittentes quam continuæ. In illis magna humoris melancholici adest exsuperantia, & tamen non excitat Elephantiasin. quia adhuc peculiari corruptione ad hunc affectum necessaria est expers, & propterea facile ex lienis vitio ortum ducit, qualem historiam habet Alcanzius Arabs, ut & Matthiolus in libr. 1. Dioscor. pag. 183. de duabus mulieribus.



9.  
CAPUT TERTIUM.

*Causas proponens.*

**I**mpossibile est curationem invenire, nisi morbi effectrix causa prius sit cognita, ait Alexander Trallianus. Propterea & nos in causarū indagatione hujus morbi debemus esse solliciti.

§. 1. Causa proxima immediata est facultas expultrix, quæ sibi molestum atque inutile expellit.

§. 2. Causam proximam mediatam & continentem, esse atram bilem malignitatis non expertem, & in totum corpus diffusā, ab omnibus statuitur. Et in eo omnes conveniunt, quod ex humorū adustione hic humor fiat; dissentiunt tamen in eo, è quā adustione humorum producat. An autem ista atra bilis ex humorum adustione genita in nostro reperiatur corpore, adhuc sub iudice lis est. Non enim credendum nostro in corpore tantum adesse calorē humores adurentem. Et nihil aliud atra bilis videtur esse, quam excrementum sanguinis crassum nigricans (melancholicus humor aliis dictus) mixtum ulterius cum parte bilis præternaturalis inquit Academiae Jenensis Decus immortalis *Gottfr. Mæbius Præceptor meus omnium observantia cultu honoratissim. in suis fundam. phys. medic. p. 365.* Causa igitur proxima mediata est tota sanguinis massa, ab humoribus tartareis, falsis, & peculiari modo corruptis, inquinata. Omnino autem hîc specifica causa quærenda, quæ tamē explicatu difficilis est, in occultâ consistens malignitate. Multoties enim sanguis talibus ab humoribus inficitur, si tamen occulta ac specifica abest malignitas nunquā hic producit affectus. Salis abundantiam quoq; in hoc humore contineri, clarum exhibet testimonium pruritus & erosio partium.

§. 3. Causæ procatarcticæ sunt vel naturales vel nonnaturales, vel præternaturales.



§. 4. Ex naturalium causarum censu est dispositio corporum peculiaris, quâ quædã individua procliviora sunt, ad hujus mali fomitem recipiendum, nam omne agens requirit patiens dispositum, ad agentis energiã recipiendam.

Dispositio hæreditaria vel ratione seminis, vel ratione sanguinis menstrui.

Per semen haud pauci in liberos à parentibus traduntur morbi, ut ex exemplis atq; ratione patet, à morbo-  
sis enim non salutare potest produci semen, hinc à lepro-  
sis leprosi, ab Epilepticis Epileptici generantur.

Sanguine menstruo quoq; fluente si conceptio fit, non raro evenit, taliã causari morborum monstra, *Sennert. lib. 6. med. pract. part. 8. c. 32. p. 359. dicit: Sanguinem menstruum homines leprosos efficere.* Raro enim iste purus & à saburra humorum alienus reperitur. Igitur, cum à talibus hunc progignere morbum aptis humoribus refertus sit & conceptio fit, non mirum, talium ut existant causæ morborum, quum post conceptionem raro expelluntur, semenque inquinant, & cum deinde embrioni nutrimentum præbent, visceribus statim cæteroque sanguini inquinamentum atque contagium suum communicant.

AETAS. Mihi videtur ætatem virilem ac senilem hunc ad morbum procliviores fore ac juvenilem. In quibus ætatibus major siccitas ac viscerum debilitas, ac in juvenili & puerili semper invenitur.

TEMPERAMENTVM. Temperamentum melancholicum & cholericum utpote siccissimum & calidissimum maximopere ad hanc proclives reddunt labem. Non autẽ totius temperamentum corporis, sed etiam & quidem præcipuè reliquorum corporis nostri viscerum, attendendum venit. Ventriculus si non rectè dispositus non rectè concoquit cibum, sed adurit & corrumpit ex quo haud laudabilis fit sanguis, sed nidorosa cruditas quod vitium coctio-  
nis



nis primæ non corrigitur in secunda, multo minus in tertia. Cor si non bene sese habet, non bonus elaboratur sanguis & mala fit nutritio, cor enim est primaria sanguinis officina. Hepar si suo non rectè præest officio, non ulterius sanguis perfectionem accipit, nec biliosa ab ipso separantur recrementa, quæ deinde in sanguine manent, variaque morborum producuntur monstra. Et sæpè observavi inquit *Henric. ab Heer obs. pag. 264. melancholicis quibus hepar æstuabat, nimio Guajaci usu Elephantiacos factos esse, ubi etiam simile proponit exemplum.* Liensi non rectè suo fungitur officio, tartarea, crassa sive melancholica materia, ut & scilicet sylvestria non ita disponuntur, ut deinde in renibus separari possint, sed cum sanguine adhuc commixta, iterum per venas cor petunt, reliquum sanguinem inquirunt, & cum hoc per arterias iterum in universum corpus distribuuntur. Ubi si renes etiam suum *ἐπιβάλλον* addunt *μέρος*, major pravorum humorum fit collectio, quia non justo modo sanguis ab impuritatibus liberatur.

SEXVS. Apprehendit hoc malum frequentius viros quam foeminas, atque inter hos illos magis, qui crassum ac viscosum habent sanguinem. Foeminæ vero per fluxum menstruum à multis sese liberare possunt morbis, ut per foetus gestationem, cum saburra ac malignitas humorum perpetuò evacuetur.

§. 4. Causæ nonnaturales suis etiam non destituuntur viribus.

ÆR crebris suis mutationibus cum partium anni, tum ventorum vaporumque pravorum admistorum respectu magnarum est virium. Hinc in Alexandria ob regionis fervorem, plures elephantiaco corripuntur morbo, *ut testatur Galen. lib. 2. ad Glaucon. c. 10.* Et tam necessarius homini aer est, ut ferè ne momento quidem sospes manere queat, eo si destituatur. Autumnus autem hoc in morbo produ-



cendo reliquis præripit palmam, cum circa istud tempus humores melancholici atque tartarei maxime in corporibus nostris cumulantur, propter perpetuam aeris vicissitudinem, variorumque fructuum horariorum ingestionem. Calidus quoq; aer nimius hunc producendi morbum potestatem habet, humores enim dissolvit, vires dejicit, & coctionem virtutisque vegetativæ munia debilitat.

CIBVS & POTVS non minoris nisi majoris sunt efficaciam. Et Fallopius hodie in Gallia & Germania lepram potius ratione victus quam ambientis aeris causa fieri autumat. Quam multi enim in castra Epicuræorum migrant, ventrem multo cibo & potu onerantes, notum. *Hinc colliguntur cruditates sanguisque impurus redditur, ubi cum impurus est, sordes suas deponit, scabiei, lepræ impetiginis causas.* *Ioh. Pecquet. experim. nov. anatom. p. 212.* In primis vero hoc præstant cibi, melancholicum generantes succum, ut sale conditi fumoq; indurati. Apud Trinavell, in consiliis certa ratione annotatum esse legimus quod lepra & Elephas pervaserit Germaniam & Galliam non ob aliam causam, quam propter esum frequentem butyri. *Attaranto hal' aria saluberrima, & contutto ciò vi regna la lepra per l' uso, come io credo della carne di porco & de' fichi secchi cibi ordinarij della moltitudine.* *Gioan. Bottero nelle relation. universal. lib. I. p. 88.* Quod etiam testatur Gal. lib. 2. ad Glauc. c. 10. dum scribit: *In Alexandria ob regionis fervorem & victum incommodum incolarum, ut qui edant farinam elixatam & lentes & cochleas, & plura salita & carnes asininas & alia quedam quæ crassum & melancholicum humorem generant, plures elephantiaco morbo corripuntur.* Non solum autem in Alexandria, sed nostra in Germania, Gallia, Italia, Hispania, Africa aliisque regionibus hic reperitur hospes. Nullibi, enim jam temporis & apud paucissimos observatur magnoq; in pretio habetur *Diæta.* *Canit quidem Lucretius lib. 6. Est Elephas morbus, qui propter*



*propter flumina Nili Gignitur Aegypto in media, neq̃, præterea usquam. Et Aurel. Cornel. Celsus de remed. lib 3. c. 15. libr. qui inscribitur pr. med. p. 61. dicit hunc morbum in Italiâ bene esse ignotum. Verum ex ore Clariss. Professorum Patavinorum habeo, etiam hunc in Italia reperiri morbum. Quod insuper testatur. Solenand. cons. med. sect. I. consult. 25. p. 110. his verbis, Mihi vero hoc sequenti experimento alios in simili & graviore casu in Italia curatus est. ut & Vidius de curat. gen. lib. 5. c. 8. p. 414, sequentibus: Potest tamen ratio victus prava in quavis regione Elephantem excitare ob quam & nunc in Italia visitur, & sæpius in Gallia atque inferiori Germania, ubi vehementiora & mera vina bibunt & simul butyro plurimo vescuntur. Etiam Cerevisia facibus adhuc scatens ut & mustum in augendo hoc malo non minorem obtinent vim.*

**MOTVS & QUIES** si immoderatus fiant pravos succos hujus mali feraces, vel cumulare vel cum impetu queunt movere.

**SOMNVS & VIGILIAE** ritè si instituantur, haud facile corpora nostra lædunt. Si verò somnus sit immoderatus crudi cumulantur succi, coctioque viscerum debilitatur. Per vigilias verò nimias boni & laudabiles absumuntur humores, mali vero retinentur, viresque universi dejiuntur corporis.

**EXCRETA & RETENTA** magni etiam sunt momenti nimirum excrementa alui, menses, hæmorrhoides &c. Si clauditur consuetum alui beneficium, excrementa cumulantur, exindeque semina pro morbo hoc excludendo sparguntur in universum corpus. Mensium fluxus si inhibeatur, quam maxima tunc humorum saburra talibus in corporibus cumulat, cuiusvis obvium est, *uti testatur Roder. à Fonseca consult. medicinal. consult. 60. p. 230. de muliere 40. annorum ex obstructione mensium Elephantiaca facta. Hæmorrhoidum suppressio, quibus antea fluxere, non est vilis*



habenda. Et Hippocr. 6. Epidem. 36. 37. & 3. de humoribus 26. Qui hamorrhoidales habent, ÿ neq<sub>3</sub> lateris dolore, neq<sub>3</sub> palpitatione, neq<sub>3</sub> inflammatione, neq<sub>3</sub> phagedena, neq<sub>3</sub> lepra neq<sub>3</sub> alijs corripuntur morbis. Per illas enim humor expellitur melancholicus. Si autem humores tales diu in corpore detineantur, indies evadunt peiores, tandemque malignitate specifica acquisita, sanguinis massam inficiunt.

ANIMI PATHEMATATA hunc ad affectum promovendum, sua etiam non carent virtute. Inprimis vero mœror & meditationes diuturniores, crudas cumulantes humores.

§. 5. Etiã causæ præternaturales multoties hic obveniunt, uti scribit Senn. lib. 5. med. præct. part. I. c. 28. p. 124. Scabiem diuturniorem in lepram migrare posse, ut & Holler. de morb. intern. lib. I. p. 135. ex lue venerea. Inprimis vero contagium per congressum venereum, perpetuam conversationem, lectum, oscula, comotationes, respirationem & exhalationem virulentam. Nonnunquam etiam talis introducitur morbus à veneficiis & Diabolo, qualia exempla describit Hieron. Iordan. de eo quod Divinum est p. 127. his verbis: Refert Sprengerus de muliere inter Brisacum & Friburgum cum vicina sua litigante, quæ cum noctu ante ostium domus aliquid ageret, ventus calidus è domo fæminæ alterius ex opposito habitantis in faciem ei sufflavit, ex quo lepram subito contraxit. Alia venefica, cum jam strui lignorum esset imposita, lictorem afflans, en tibi à me mercedem, simulque in faciem ejus sufflans, miserum illum horrenda lepra, totum cooperuit, quæ paucorum dierum spatium vitæ eum privavit. Ita etiam à philtro non neminis totum corpus crusta densissima undique fuit obtectum, ut sex integris hebdomatis perdius pernoxque steterit, ut idem narrat.



## CAPUT QUARTUM.

*Differentias enucleans.*

**C**Ognitis nunc causis, differentias ut proponamus ordo postulat. Quamvis vero multæ Elephantiasis species reperiuntur *ut c. 1. de homonymia dictum, & Iohan. Monard. Epist. med. lib. 7. p. 107. habet*, tamen hic commode in duas dividi potest differentias, ratione nimirum malignitatis remissæ vel extensæ, & ratione sanguinis melancholici. Est igitur Elephantiasis vel contumax inveterata & incurabilis, vel mitis, recens & curationem admittens. Deinde rubicunda, alba subflava, nigra & ulcerata. Differentia ab aliis morbis etiam hic instituenda esset, cum vero cap. 1. §. 2. factum, saltem hic loci differentiam à lepra Judæorum ad manus sumere volumus. Facta autem fuit in lepra Judæorum 1. pilorum mutatio in albedinem, quod in nostra non fit. 2. depressio cutis apparuit, in nostra vero adest tumor. 3. Illa domus & alia infecit, hæc vero non præstat. Tantum enim erat illud lepræ apud Judæos contagium & tam profunde in ipsos lapides & muros se insinuabat, ut non solum eos radi & nova induci calce oportuerit, sed sæpe tota destrui necesse esset ædificia. 4. Lepra Judæorum album habuit colorem, nam egressus est ab eo lepra quasi nix *lib. 2. Reg. c. 5.* nostra vero colore corium elephantis æmulatur. 5. Si totum corpus à capite usque ad calcem lepra Judæorum fuerit oppressum, pro mundis fuere habiti, quod in nostra elephantiasi etiam nullum habet locum, & potius hic indicat materiæ multitudinem ac malignitatem. Toto itaque inter se differunt Cœlo. *Plura vide in comp. med. ex sacr. script. de prompt. Iohann. Georg. Grossy. p. 88.*



## CAPUT QUINTUM.

### *Signa indicans Diagnostica.*

§. 1. **S**olus is, qui signorum cognitionem habuerit ritè curationem aggreditur inquit Divinus Senex Hippocrat. & Galen. lib. 1. de loc. affect. Nemini ad affectam partem pervenire licet, nisi per signa.

§. 2. Sunt autem signa vel diagnostica, quæ præsentem, vel prognostica quæ futurum morbi nobis declarant statum, jam de signis diagnosticis.

§. 3. Sunt vero vel Elephantiasis imminentis vel confirmatæ.

§. 4. **IMMINENTIS SVNT** 1. Segnities ac lassitudo, propter multitudinem, crassorum in corpore humorum, musculos replentium naturamque opprimentum. 2. Spiratio tarda ac difficilis, propter humores pulmones opplentes. 3. Motus difficilis, ob copiam humorum musculosas partes distendentium. 4. Assidua alvi constrictio propter calidum corporis habitum. 5. Urinæ veluti jumentorum lotia propter humorum cum sanguine commistionem. 6. Proclivitas in venerem, propter humorum salsedinem semen quoque inficientium. 7. Sudor totius corporis ob materiæ copiam. 8. Ructatio molesta propter flatus, à crudis humoribus in ventriculo hospitantibus, excitatos vel etiam ex hypochondriis eo missos. 9. Raucedo vocis propter asperæ arteriæ siccitatem atque asperitatem. *Quando enim rubedo conjuncta est cum inflatione faciei & raucedine vocis lepræ imminentis signum est. Sennert. lib. 5. Med. pract. part. 1. c. 23. p. 116.* 10. Mores melancholici, propter vapores melancholicos caput petentes spiritusque animales obscurantes. 11. Somnia turbulenta etiam propter vapores in caput ascendentes. 12. Incubus, propter vapores ex infimo ventre ascendentes, diaphragma atq; pulmones prementes.



§. 4. Notandum vero ex his enumeratis signis nihil certi concludi posse, cum etiam aliis sint cōmunia morbis, propterea sequentia nimirum confirmatæ Elephantiasis magis sunt observanda, neque etiam seorsim, sed simul sumpta. Verum etiam non omnia in omni reperiuntur Elephantiasi, sed in aliis alia deprehenduntur symptomatica, ut est peculiaris cujusq; corporis constitutio, vita, lex & humoris pernicies, interim tamen potiora.

§. 5. CONFIRMATÆ SVNT: 1. Extubérations in plerisq; corporis partibus, ut sub superciliis, circa aures, variisq; in faciei ut & aliarum partium locis, propter materiam morbificam ad cutim expulsam. 2. Oculorum exacta rotunditas & obtutus eorum fixus ac immobilis, propter adipis consumptionem & musculorum extenuationem. 3. Pilorum casus propter malum eorum nutrimentum. 4. Si pili evellantur pars albæ cutis simul evellitur, quod certissimum est lepræ signum, *ut inquit Senn. lib. 5. med. pract. part. 1. c. 40. p. 172.* 5. Aurium acuminatio, propter malam nutritionem. 6. Labiorum crassities, propter affluxum humorum. 7. Color faciei lividus, propter summam cachexiam, nam quales humores, tales etiam colōres in corpore. 8. Stupor abolitusque sensus tactus in externis partibus, ob materiam vitiosam partes opplentem nervosq; comprimentem, ut spirituum inhibeatur influxus animalium, à quibus omnis sensus. 9. Venarum sub lingua intumescencia ac nigredo ut & glandularum linguæ circumjacentium tumores rotundi, propter materiæ affluxum. 10. Musculorum manuum gracilitas præcipuè inter pollicem & indicem, ob alimenti laudabilis defectum. 11. Unguium fissura, etiam propter defectum alimenti & siccitatem summam. 12. Sub cute in quibusdam locis formicationis ac titillationis sensus, ob salfos sub cute ascendentes vapores. 13. Febris raritas, ob ab-

G

sentiam



sentiam putredinis. 14. Pulsus debilitas quasi convalescentium & senum, ob cordis imbecillitatem ac malignitatem. 15. Sanguis niger livescens, ob pravæ materiæ admistionem atque corruptionem. 16. Urina tenuis, alba, ob debilem coctionem in renibus & materiæ ad cutem aversionem. 17. Cutis crustosa, squalida & scissa, ob pustulas ibi existentes atq; materiam acrem cutim erodentem ut & siccitatem. 18. Sternutatio frequens, propter vapores falsos meninges cerebri vellicantes, expultricemq; facultatem stimulantem. 19. Foetor narium ob materiæ ibidem latitantis putredinem. 20. Mediæ cartilaginis nasi corrosio à falsis humoribus. 21. Cutis unctuosam aspersam aquam non recipiens, propter pinguedinis sub cute colliquationem, & excrementorum pinguium in eam effusionem. *Wecker. de Secretis lib. 5. p. 129. ad Elephantiasin dignoscendam hæc habet: Elephantiasin correptos deprehendens ex lotio, cui plumbi cineres inspersi sunt. Nam si subsidunt nullum inest contagium, sin fluitant, & in urinae superficie hærent, certissima labis signum ostendunt. Et Holler. de morb. intern. hæc scribit: ex urina signum habemus certissimum sæpius probatum & nobis à viro doctissimo pro secreto datum. An vero hæc ita sunt adhuc sub iudice lis est. Et propterea rectè memorat Fernel. de part. morb. & symptom. lib. 5. c. 19. p. 397. Quod ex urinis aut ex sanguine traditæ notæ incertæ omnino sint atque fallaces. Plura vide apud Horst. Epist. Med. sect. 4. p. 387. Sennert. lib. 5. med. pract. part. 1. c. 40. p. 172. Leonh. Fuchs. de med. morb. lib. 5. p. 601. Ioel. lib. 10. prax. sect. 3. p. 427. Hafenreiff. de cut. affect. p. 112. Francisc. Valeriol. in enarrat. med. lib. 6. enarrat. 5. p. 835. Examen leproforum habet Horst. Epist. med. sect. 4. p. 388.*



## CAPUT SEXTUM.

*Signa determinans Prognostica.*

**A**Uditis signis diagnosticis, progressum facimus ad prognostica. Ubi sciendum malum hoc propter malignitatem diu in corpore latitantem atque humorū pravorum copiam ac corruptionem summam esse gravissimum, ac vix ullum etiam repertum remediū hujus mali malignitatem superans atq; vincens. Quapropter recens ac nova elephantiasis adhuc aliqualem promittit curationem, quamvis etiam non summo absque labore, præfertim si ex mala victus ratione vel alterius inquinati cōtagione, non autem ex semine parentum malum duxerit ortum. Tardius enim hoc malum sese manifestat, & non prius suum edit foetum, ac si altas egerit radices, atque malignitate sua nobiliora corporis viscera obsidens corrupuerit. Et Elephantiseos malum impendens difficile, præsens vero plane incurabile est inquit *Hafenreß. de cutis affect. p. III.* Attamen ex collectione exemplorum manifestum est, etiam præsentem curatam fuisse elephantiasin. *Vide Horst. part. 2. observ. 22. p. 160. Henric. ab Heer. obs. 28. p. m. 263. Senn. de febr. p. 445. Bald. Angl. Abbat. de viper. p. 93. 119. 120. 123. Gal. lib. 3. de inform. Empir. c. 12. Invetrata vero & inhabitum conversa planè est incurabilis ut test. Senn. lib. 5. med. pract. Ioel. lib. 10. pract. sect. 3. p. 428. rationes vide apud Rondelet. meth. curand. morb. c. 87. p. 632. Hartm. prax. Chymiatr. p. 195.* Quanquam autem hoc malum inveteratum ferè nullam admittit curationem, tamen propter Christianam charitatem nemo in angustiis & absq; auxilio relinquendus ut *habet. Aetius tetr. 3. serm. 1. c. 120. in lib. qui inscribitur prax. med. pag. 664.* sed potius omni marte tentendum quousq; in pugna hoc cum hoste pervenire possumus. Et licet non totaliter ipsum in



fugam profligere valeamus tamen videndum, saltem copias ejus ut imminuere atque quodammodo sub imperii jugum redigere possimus.

## CAPUT SEPTIMUM.

### *Curationem exhibens.*

**C**uratio sequentibus utitur indicationibus. 1. Antecedentis causæ & conjunctæ remotione. 2. Humorū quatenus manifestis peccant qualitatibus contemperatione & alteratione, quatenus vero occultis specificorum curatione. 3. Cutis asperæ ac foetidæ sublatione. 4. Viscerū debilitatorum refectione. 5. Viriū amissarū restauratione. Quæ omnia tribus ex communibus illis fontibus accersere nobis licet, fonte nimirum chirurgico, pharmaceutico & diætetico.

**FONS CHIRURGICVS** suadet. 1. Venæsectionem causam morbificam detrahentem sanguinemq; calidum ventilantem. 2. Scarificatio non commodè propter pustularum copiam atq; cutem quasi corio obductum institui potest. 3. Cauteria etiam propter materiæ multitudinem parum utilitatis præbent in curatione, nisi præseruationis gratia adhibeantur. 4. Ligaturæ & frictiones nullius etiam sunt momenti. 5. Hæmorrhoidum apertio in consuetis non est inutilis, quia magnam humoris melancholici absumunt copiam. 6. Castratio, quæ teste Laurentio Elephantiacis olim singulare erat præsidiū, *Mæb. fund. physiol. med. p. 500. Iacob. Holler. de morb. intern. c. 6. p. 134.*

**FONS PHARMACEVTICVS.** 1. Purgationem indicat quia per istam universum corpus ab omnibus suis liberatur inquinamentis. 2. Sudationem, quæ materiam ex corpore ad cutim expellit. 3. Medicamenta specifica. Ista autem petuntur ex tribus regnis, nimirum vegetabili, animali & minerali.



**PVRGANTIA SVNT:** Cassia. Carthamus. diasebsten, fol. sennæ, extr. fol. sennæ, spiritus sennatus, pulv. diasennæ, syrupus de senna, Electuar. diasenæ. Polypodium, Epithymum, syrup. de Epythym. Helleb. niger, syrup. rosat. solut. helleboratus, Extr. hellebor. nigr. pulv. senæ præparat. montagn. lapis armen. pil. de lapid. armen. lapis lazul. Extr. lapid. Lazul. pilul. lapid. Lazul. Extr. melanag. Quercet. syrup. de pomis Regis sapor, Pilul. de quinque generib. myrabol. de fumaria, Indæ, lucis majoris, de colocynth. antimon. Mercur. laxativ. Mercur. cum Sole, sed caute.

**SVDORIFERA SVNT:** Sal. fumar. rob. samb. ebul. falsaparill. lignum guajac. Sassafr. Cornu cervi, lapis bezoar, Tinct. bezoar. *incomparabilis viri Dn. D. Michaelis*. Sal absynth. fraxin. scabios. Terra sigill. bezoart. simpl. & solare. antim. diaph. sulph. antim. fixus, Mercur. præcipit. diaphoreticus, Theriaca, Huc etiam pertinent balnea.

Specifica sunt vel externa vel interna.

**INTERNA SVNT:** Essent. fumar. scabios. Decoct. falsaparil. vinum chalybeat. Decoct. rad. Tamarisc. succus betul. Elix. propriet. Theriaca, viperæ, vinum must. viperinum, sal, oleum, essent. trochisc. caro, alcohol. viperarum. pulli gallinaccci viperarum vel colubrorū carnibus pasti. Milvius. Merc. dulc. Tinct. antim. *Doct. Möllenbrocij*. Tinct. corall. arcan. corall. specif. cephalicum. *D. Michaelis*, sanguis leporinus calidus, *lonston. prax. lib. 2. c. 9. p. m. 104.* Spir. & alcohol serpentum, Mithrid. cæleste Quercetan. *Hartm. prax. chym. p. 196.* ranarum palustrium usus. *Ioh. Iacob. Weckerus de Secret. lib. 5. p. 129* Succus ex anserum recenti stercore expressus. pulv. lepor. in Martio capti, serum caprinum, angues sale conditi. Plura tam interna quam externa, simplicia ac composita, ut & de carne vi-



ne viperina an nimirum commoda sit nec ne, *Vide apud*  
*Grembs. libr. 2. cap. 1. arbor. pag. 201. num. 51. Sennert. libr. 5.*  
*med. prax. pag. 177. sect. 2. cap. 9. pag. 326. libr. 4. de febr. b.*  
*c. 5. de preserv. pest. pag. 447. Cels. lib. 3. cap. 25. Horst. De-*  
*cad. 10. probl. quest. 4. pag. 161. Caelium Aurelium lib. 4. c. 1.*  
*pag. 96. Alpharaic, de lepra tr. 21 Octav. Horatian. libr. 1.*  
*cap. 31. Hali abb. libr. 1. antidot. Garipon. libr. 5. Iulium Pal-*  
*mar. Constant. cap. 9. libr. 1. de Elephant. pag. 296. Galen. lib.*  
*11. simpl. decarn. viper. libr. 2. ad Glaucan. cap. penult. 3. de*  
*aliment. facult. cap. 3. Leonhard. Fuchs. de med. morb. p. 607.*  
*Oribasium de virt. simpl. libr. 2. libr. qui inscribitur prax.*  
*med. pag. 593. & 3. de morbor. curat. cap. 62. pag. 638. Aetium*  
*tetr. 3. serm. 4. libr. qui inscrib. princ. med. pag. 618. tetr. 4.*  
*serm. 1. pag. 666. tetr. 1. serm. 2. pag. 93. Vidum Vidium de cu-*  
*rat. gener. libr. 5. cap. 8. pag. 416. Solenandr. sect. 1. conf. 25.*  
*pag. 110. Baldum Angl. Abbatium de viperis pag. 97. Are-*  
*tæus. libr. 2. de curat. morbor. diuturn. cap. 13. p. m. 96. Paul.*  
*Æginet. de remed. libr. 4. c. 1. libr. qui inscrib. princ. med.*  
*pag. 501. libr. 7. pag. 621. Holler. de morb. intern. cap. 61. pag.*  
*134. Alexandr. Massar. de peste lib. 2. p. 35. Schröd. pharm. med.*  
*Chym. libr. 5. class. 1. de animal. pag. 306. libr. 3. c. 17. p. 448.*  
*450. libr. 4. class. 1. pag. 25. class. 4. pag. 250. Viçt. Trincavell.*  
*conf. libr. 3. pag. 695. Hasenreff. de cutis affectib. pag. 123.*  
*Dinheimium de med. universal. cap. 8. pag. 3. Marinell. in*  
*libr. 9. Almanfor. cap. 23. pag. 374. Rondelet. meth. curand.*  
*morb. cap. 87. pag. 633. Actuar. de meth. med. libr. 6. cap. 8. lib.*  
*qui inscrib. princ. med. pag. 326. Nicola. Myreps. de anti-*  
*dot. sect. 1. cap. 355. libr. qui inscrib. princ. med. pag. 432. 453.*  
*455. sect. 3. cap. 83. pag. 486. cap. 88. pag. 487. sect. 8. cap. 79.*  
*pag. 529. Scribon. Largum. de compos. medic. cap. 102. libr.*  
*qui inscrib. pr. med. pag. 234. Guilielm. Varignan. secret. sub-*  
*til. pag. 123. Theophr. Paracels. paragraphor. libr. 6. cap. 4.*  
 pag.



pag. 465. *Commentar. libr. 6. paragraphor. pag. 188. libr. de re-  
novat. & restauratione pag. 827. Von den natürlichen Bas-  
dern. tract. 5. part. 2. Archidox. magica pag. 551. Sed ista sunt  
superstitiosa. Iulium Caesar. Claudin. de ingressu ad infirmos  
appendic. pag. 175. 190. &c. Aristotel. 6. de histor. animal. cap.  
29. de viper. Wecker. antidot. special. libr. 1. part. 14. pag. 60.  
65. 136. 296. 230. 321. 399. 415. 910. 1053. 1172. Matthiol.  
comment. in libr. 1. Diosc. pag. 113. in libr. 2. p. 277. 326. 344.  
in libr. 3. pag. 77. 80. 55. in libr. 4. pag. 364. 564. Plinium libr.  
30. cap. 3. Roder. à Fonseca consult. medic. pag. 231. tom. se-  
cund. p. 51. Adrian. Ziegler. pharmac. spagy. p. 78. Osvald.  
Croll. Basil. chym. pag. 212. 240. 280. Idem de signaturis in-  
ternis rerum pag. 45. Petr. Iohann. Fabr. chyrurg. spagy. part. 3.  
cap. 12. pag. 140.*

**FONS DIAETETICVS** hîc maximopere est obser-  
vandus inprimis eligatur aer purus ad frigidum magis  
quam calidum vergens cibus sit facilis coctionis, nul-  
lum crassum ac melancholicum succum præbens, loco  
potus neque vinum propter caliditatem, neque cerevi-  
sia propter aptitudinem generationis humorum crasso-  
rum facile admitti potest, sed eligendus potus è succo  
malorum dulcium maturorum ac deinde bene defœca-  
tus, quia hic maxime hypochondriacis ac melancholi-  
cis conducit. Somnus & vigiliæ sint moderatæ, melius  
tamen est si cōmittitur excessus in vigiliis quam somno.  
Motus & quies etiam secundum naturam instituenda, &  
neque in excessu neque in defectu peccatum commit-  
tendum. Excreta & retenta semper secundum naturæ  
leges sese habere debent, ut nimirum alvus sit laxa, in  
mulieribus vero menstrua justo fluant tempore. Animi  
pathemata semper fugienda inprimis vero ira ac mœsti-  
tia ut & nimix intentiones. *Plura vide apud Rondelet.  
meth.*



*meth. cur. morb. cap. 87. pag. 632. Areta. de cur. morb. diu-  
turn. cap. 13. p. m. 96. Paul. Aeginet. libr. 4. cap. 10. remed.  
libr. qui inscrib. pr. med. pag. 501. Actuar. de meth. med. libr.  
4. c. 15. pag. 243. Aetium tetr. 4. serm. 1. p. 670.*

Pauculis hisce benevole Lector, rudi tanquam pe-  
nicillo & quidem sponte hunc adumbrare volui affe-  
ctum. Me enim non latet, multa adhuc esse manca. Ta-  
men cum mihi non mens fuit, integrum absolutumque  
conscribere tractatum, sed levem exercitii gratiâ dispu-  
tationem, nec etiam vanam quærere gloriolam, hæcce  
saltem in medium & quidem relativè proferre mihi pla-  
cuit, quo major disputandi ansa daretur. Certus enim  
sum, multos reperiri Momos, virulentis hæcce vulne-  
rantes linguis. Veruntamen

De mordeas licet, peribis nam statim

Tu pessimum virus, lues & pessima.

Abite igitur à me O phiogenes! abite Phylli! nati vene-  
natantum exfugere scriptorum. Parum enim vos curo,  
O angues, O viperæ, ac inutilia terræ pondera, sed po-  
tius remitto ad tenuem vestram supellectilem:

Tecum igitur habita, & noris quam sit tibi  
curta supellex.

Coeteri econtra adeste mites ac candidi, qui parati non  
impellere lapsantem, sed benigna potius aliqua interpre-  
tatione levare.

**SOLI DEO GLORIA.**

